

է ԲագրևաՎեպի մէջ շատ յօղուածներ. վերջին ժամանակներս՝ նաև Ո. Կ. ստարագրութեամբ: Գեռ նորերս հրատարակած էր նաև Թուռնըպիզի «Հայաստան և Հայ Եկեղեց. Պատմութիւն»:

Հ. Աւետիք Վ. է կը մնան այժմ աւելի հետաքրքրական՝ իբր ձեռագիր անտիպ երկասիրութիւն՝ Համառոտ Հայ Եկեղ. պատմութիւն մը ի սկզբանէ մինչև մեր օրերը, ինչպէս նաև Քրիստոնէական վարդապետութիւն մը: Բաց աստի ուշադրութեան արժանի է համեմատական աշխատութիւն մը Հայ պատարագի ազօթից վրայ, ուր նշանակած է զանազան ճաշոցներու տարբերութիւնները: Սկսած էր պատրաստել նաև Մայրավանքիս Զեռագրաց Նոր Յուցակ մը Հ. Բ. Սարգիսեանի Մայր Յուցակէն տարբեր կարգով և ոճով: Հոն ամփոփուած էին 300—է աւելի զրչագիրներ՝ սեղմ պարունակութեամբ և յարակից կարևոր ծանօթութիւններով, ինչ որ կիսաւարտ կը մնայ այսօր: Պատրաստ ունէր նաև Ընդհ. Եկ. Հայրախօսութիւն մը (յետոյ կորսուած՝ արտօրի միջոց), ուր կային Հայ Եկեղեցւոյ նախկին Հայրերէն ալ: Իր այս երկասիրութեան վրայէն դասախօսած էր մեզ ատենօք՝ երբ կը վայելէինք միաժամանակ իր հայրագործ Վերակացութիւնը:

Ահա՛ ուրեմն Առաքինին, ահա՛ բազմերախտ Մխիթարեանը՝ Լուսահոգի Վ. Հ. Աւետիք Վ. Գազէզեան, որուն անմոռանալի յիշատակին ի սրտէ կը նուիրուի այս համեստ աշխատութիւնը «ՄԱՅՐ ԳԻՒԱՆ»-ը՝ իբրև զոյգն նշան սիրոյ և երախտագիտութեան:

Հ. Ղ. Տ.

